

Ака́фист преподо́бному Севастиáну Карага́ндинскому, испове́днику

Конда́к 1

Избра́нный прее́мниче благода́ти ста́рчества О́птинскаго, в годи́ну гонений лю́тых кро́ткий за ве́ру Правосла́вную стра́дальче, гра́ду Карага́нде богода́рованный свети́льниче и всея́ страны́ Казахста́нския неусы́пный храните́лю, Це́ркве Ру́ския похва́ло и всех христоиме́нитых люде́й ра́дование, ублажа́ем по́двиги тво́я и с любóвию вопи́ем ти: Ра́дуйся, преподо́бне о́тче Севастиáне, ве́ры Правосла́вныя испове́дниче.

И́кос 1

А́нгелов Творе́ц в послед́няя времена́ показá ты, преподо́бне о́тче, ра́вна А́нгелом невеще́ственным твои́м жити́ем, священнота́инника же благода́ти, бу́дущая я́ко настоя́щая прозира́юща, и испове́дника твёрда, гонения́ бо и мучения́ за Христа́ претерпе́л еси́; те́мже воспева́ем тебе́ сицевáя:

Ра́дуйся, роди́телей благочестíвых о́трасле благоухáнная;
ра́дуйся, изде́тка благода́тию Ду́ха Свята́го просвещённый.
Ра́дуйся, благочести́ю роди́тельскому измла́да поревновáвый;
ра́дуйся, во о́трочестве ко ста́рцу О́птинскому Амвро́сию на благослове́ние приведе́нный.

Ра́дуйся, притру́дное ино́ческое жити́е вседу́шне возлюбíвый;
ра́дуйся, хранити́ чисте за́поведи Бо́жия измла́да себе́ положи́вый.
Ра́дуйся, от ю́ности твое́я вся́ ми́ра сегó кра́сная Бо́га ра́ди презре́вый;
ра́дуйся, во оби́тель О́птинскую ста́рческаго ра́ди наставле́ния прише́дый.

Ра́дуйся, во́ли сво́я всесовершенство́е отверже́ние показáвый;
ра́дуйся, наста́вником духо́вным смире́нно себе́ покорíвый.
Ра́дуйся, преподо́бнаго Ио́сифа кро́ткий учени́че и послу́шниче;
ра́дуйся, ста́рца богоно́снаго Некта́рия сподви́жниче и сота́инниче.
Ра́дуйся, преподо́бне о́тче Севастиáне, ве́ры Правосла́вныя испове́дниче.

Конда́к 2

Ви́дя предивный Некта́рий, я́ко кро́тости ра́ди твое́я и смире́ния дарова́ ти Небе́сный Дарода́тель благода́ть прозре́ния духо́внаго, прее́мника свое́го ты нарече́, «ле́то» имену́я, милосе́рден бо к

страждущим явился еси; темже научаемся всех благих Промыслителю пети: Аллилуиа.

Їкос 2

Разум благодатию Духа Святаго просвещен, имея, евангельски Бога возлюбил еси, суетную же славу мирскую оставль, Оптинския пристани достигл еси, идеже последовал еси Христу со духовными наставники твоими, житию постническому прилежа во смирении; сего ради вернии воспеваем ти:

Радуйся, тесный и прискорбный путь паче пространного возлюбивый;

радуйся, многмятежие мира лестнаго презревый.

Радуйся, яко боголюбезную чистоту душевную и телесную сохранил еси;

радуйся, яко постом и молитвою тленная на нетленная пременял еси.

Радуйся, яко постным воздержанием плоть твою духови покорил еси;

радуйся, яко послушанием и безмолвием страсти душевныя умертвил еси.

Радуйся, яко слезами покаяния землю сердца твоего напоил еси;

радуйся, яко земная отринув, ум твой к Небесным возвел еси.

Радуйся, яко сладчайшее имя Иисусово во уме твоём присно носил еси;

радуйся, яко Святых Святейшим Словом, Христом, Превечнаго Бога Отца познал еси.

Радуйся, яко благодать Утешителя чистотою сердца твоего стяжал еси;

радуйся, яко силу прозрения и старчества от Бога приял еси.

Радуйся, преподобне отче Севастиане, веры Православныя исповедниче.

Кондак 3

Силою благодати Божия старцы святии Оптинстии вождаху тя тесным путем жития иноческаго, да и жребий пастырский и подвиг исповедания Христа Распятаго и Воскресшаго послежде воспримеши, Емуже во всем житии твоём воспевал еси: Аллилуиа.

Їкос 3

И́мый в се́рдце твоём ве́ру твёрду, наде́жду же несумне́нну и любóвь и́стинну ко Христу́ Бо́гу на́шему, егда́ воздвиго́ша богобо́рнии гоне́ние на Це́рковь Господню́, смире́нне и со трéпетом свяще́нства дар чрез возложе́ние рук архиере́йских прия́л еси́, да спасу́тся от злосра́днаго безбо́жия ги́бнущи; те́мже воспису́ем ти тако́вая:

Ра́дуйся, Христу́, До́брому Па́стырю, усердне послужи́вый;
ра́дуйся, священнотайнниче Христов, дара́ми Ду́ха Свята́го просия́вый.

Ра́дуйся, ду́шу твою́ за словесныя о́вцы Господни полага́вый;
ра́дуйся, путь спаси́тельный взыску́ющим Ца́рствия пропове́давый.
Ра́дуйся, к го́рнему Иерусали́му лю́дем вождю́ богому́дрый;
ра́дуйся, во благоче́стии тружда́ющимся наста́вниче богодарова́нный.

Ра́дуйся, обуре́ваемым страстьми́ грехо́вными до́брый ко́рмчий;
ра́дуйся, немощны́м и неиску́сным учи́телю терпели́вый.
Ра́дуйся, изнемога́ющим от уны́ния и печа́ли благода́тное утеше́ние;

ра́дуйся, безпо́мощным скоропослу́шливый помо́щниче.

Ра́дуйся, чернори́зцем предивный о́тец и ста́рец прозорли́вый;
ра́дуйся, уста́вов О́птинских храните́лю ре́вностный.

Ра́дуйся, преподо́бне о́тче Севасти́ане, ве́ры Правосла́вныя испове́дниче.

Конда́к 4

Бу́ри гонений лю́тых, безбо́жною вла́стию воздвига́емья, не убо́явся, со все́ми новому́ченики и испове́дники Це́ркве Ру́сския́ и́го на себе́ благо́е Христо́во подъя́л еси́ и суро́вых степе́й Казахста́нских дости́гл еси́, иде́же безчи́сленное мно́жество страда́лец безви́нных го́рькою сме́ртию сконча́шася; о́ ихже упоко́ении А́гнцу́ Бо́жию, о́тче благосе́рде, моли́твы приноси́л еси́, надгробное рыда́ние творя́ песнь: Аллилу́иа.

И́кос 4

Слы́ша, я́ко по всей земли́ Ру́сстей ча́да церко́вная за ве́ру оте́ческую Правосла́вную смерть лю́тую и жесто́кая гонения́ прие́млют, смире́нне в путь ско́рбный поте́кл еси́ и зи́му го́рькую, и пусты́нную тяготу́ ле́тнюю, и я́рость о́гненную мучений узи́лищных терпением твои́м препобеди́л еси́, сла́дости духо́внаго блаже́нства ве́чнаго вкусив; сего́ ра́ди вопие́м ти сицевая́:

Ра́дуйся, нището́ю духо́вною Ца́рства Небе́снаго насле́дивый;

ра́дуйся, пла́чем о гресѣх утешѣние Христо́во приѣмый.

Ра́дуйся, я́ко а́лчбою и жа́ждею пра́вды Бо́жия нетлѣнныя пи́щи Небѣсныя насы́тился еси́;

ра́дуйся, я́ко ми́лостию е́же к бли́жним сострада́ния ми́лость Бо́жию восприя́л еси́.

Ра́дуйся, во страда́ниих твои́х чи́стым се́рдцем Бо́га узре́вый;

ра́дуйся, вражду́ющия умиротворя́й, те́мже и сын Бо́жий нарече́нный.

Ра́дуйся, изгна́нием пра́вды ра́ди Ца́рства Небѣснаго приобщив́ыйся;

ра́дуйся, в поноше́нии и злосло́вии от нечестивы́х во Христа́ облекѣ́йся.

Ра́дуйся, Божѣ́ственному Промы́шлению себѣ ко́нечне вручи́вый;

ра́дуйся, во изгна́нии от земна́го Оте́чества Ио́сифу прекра́сному подража́вый.

Ра́дуйся, в терпѣ́нии болѣ́зней и скорбе́й Иовлеву крѣ́пость показав́ый;

ра́дуйся, в крѣ́тком терпѣ́нии гонѣ́ний Дави́дово смире́ние яви́вый.

Ра́дуйся, преподо́бне о́тче Севастиа́не, ве́ры Правосла́вныя испове́днице.

Конда́к 5

Боготѣ́чная звезда́, О́птинскими ста́рцы возжѣ́нная, яви́лся еси́, о́тче Севастиа́не досточу́дне: умо́м бо чи́стым, се́рдцем же смире́нным и душе́ю крѣ́ткою службу́ Бо́гу принося́, бе́ды претерпе́л еси́, и гонѣ́ния, и болѣ́зни испове́дания ра́ди Божѣ́ственныя И́стины, ю́же жити́ем и словесы́ твои́ми всем во у́зах и изгна́нии су́щим явля́л еси́, немощны́я укрепля́я и ве́рныя воздвиза́я благодарне пе́ти Бо́гу: Аллилу́иа.

И́кос 5

Ви́девше у́зницы крѣ́тость и любѣ́вь твою́, удивля́хуся кра́йнему терпѣ́нию твоemú. Мы же, ве́дяще многотру́дная стра́дания тво́я и болѣ́зни, ублажа́ем тя, апо́стольски во узи́лищи благовестившаго, и помраче́нныя смы́слы челове́ков просветившаго, и и́же пре́жде диаволом уловле́нныя ко Христу́ приве́дшаго, и благодарне зове́м ти:

Ра́дуйся, крѣ́не благоуха́нный, в пусты́нях Карага́ндинских процветѣ́й;

ра́дуйся, хри́стоподража́тельными добродѣ́телями иссо́хшия ду́ши исцели́вый.

Ра́дуйся, неядéнием и жа́ждею надóлзе в темни́це томимый;
ра́дуйся, в лишéниях сих Христа́ тебе́ посóбствующа обретый.
Ра́дуйся, николíже по́стнаго воздержáния оставивый;
ра́дуйся, моли́твою к Бо́гу прísно пламенéяй.
Ра́дуйся, благодáтию Ду́ха Свята́го невидимо укрепля́емый;
ра́дуйся, си́лою ея́ лю́ди заблúдшия от диáвольския сéти изымáяй.
Ра́дуйся, ко еди́ней, Святе́й, Собóрней и Апостóльстей Цéркви
зablужда́ющия приводя́й;
ра́дуйся, пока́нию и́стинному и благочестíвой жи́зни их научáяй.
Ра́дуйся, пре́жде бесовóм служившия ко Христу́ обративый и
спасый;
ра́дуйся, тем плач неутéшный духовóм злóбы поднебéсныя
наведый.
Ра́дуйся, преподóбне óтче Севастиáне, véры Правослáвныя
исповéдниче.

Конда́к 6

Проповéдует страна́ Казахста́нская, приéмши в зéмлю свою́ то́ки
крове́й новомучеников Цéркве Ру́сския, равноáнгельное твоé житиé,
равноапóстольныя тру́ды твоя́ и чудес мно́жество, преподóбне ста́рче
Севастиáне исповéдниче, научáющи véрных Подвигополо́жнику
Христу́ Иису́су пéти: Аллилу́иа.

И́кос 6

Возсия́ всем лю́дем казахста́нским от гра́да Караганды́ свети́льник
добродéтелей твои́х, óтче Севастиáне: ты бо, я́ко óблак свéтел и
росоно́сен яви́лся еси́, пла́мень пра́ведно двíжимаго на ны за грехи́
наша́ гне́ва небéснаго утиша́я, изсо́хшая сердца́ наша́ оживля́я и
плоды́ добродéтелей приноси́ти помога́я всем воспева́ющим ти
тако́вая:

Ра́дуйся, беспло́дную пусты́ню Казахста́нскую пло́дами
добродéтелей твои́х облагоухáвый;

ра́дуйся, град Караганду́, я́ко ме́сто страда́ний благочестíвых
христиа́н се́рдцем возлюбивый.

Ра́дуйся, во и́мя Пресвяты́я Богоро́дицы пречу́дный храм та́мо
устро́ивый;

ра́дуйся, в том в па́мь сита́ Опти́нскаго приде́л Крестите́лю
Иоáнну воздвигну́вый.

Ра́дуйся, в хра́ме сем, я́ко в но́вей обите́ли Опти́ной, вся
благоле́пно учинивый;

ра́дуйся, в моли́тве и ста́рчеством о душа́х попече́нии нелёстно подви́завыйся.

Ра́дуйся, я́ко во дни и в но́щи во бде́нии прі́снем пребы́вал еси́;
ра́дуйся, я́ко мно́гия ино́ки и иере́и, от гони́телей разсе́янные, на ме́сте сем собра́л еси́.

Ра́дуйся, я́ко миря́н мно́жество под благодáтный кров Цари́цы Небе́сных привёл еси́;

ра́дуйся, я́ко мона́хом наста́вник премудро́й яви́лся еси́.

Ра́дуйся, я́ко и все́му ста́ду твое́му па́стырь и учи́тель предобро́рый был еси́;

ра́дуйся, не я́ко господа́ствуяй, но я́ко служи́ай со обра́щенными тобо́ю пожи́л еси́.

Ра́дуйся, преподо́бне о́тче Севастиáне, ве́ры Правосла́вныя испове́днице.

Конда́к 7

Хо́тя Оте́чества Небе́снаго дости́гнути, а́ще и пе́рстною плоти́ю обложе́н, о́баче дух твой моли́твою воскриля́л еси́ и, к Бо́гу умо́м твои́м восходя́, го́рняя добрóты зрел еси́ сла́ву, со все́ми А́нгельскими си́лами воспева́я Бо́гу: Аллилу́иа.

И́кос 7

Но́ваго тя гражда́нина Иерусали́ма Го́рняго Вы́шний Царь показа́, ми́ра бо кра́сная вся, я́ко тле́нная, ни во что же вмени́л еси́, пусты́нное жити́е со ста́рцы равноа́нгельными предпочита́юща, и души́ одея́ние чистото́ю убели́в, и в ри́зу священства облéкся, поноше́ния и гонéния Христа́ ради́ с ра́достью претерпе́л еси́, занéже украси́лся еси́ дара́ми Ду́ха предивными; отню́ду же ве́рнии научи́шася пéти ти:

Ра́дуйся, от ю́ности в закóне Господни́ поучавыйся;

ра́дуйся, во ино́честве жити́и невеще́ственным чино́м уподобивыйся.

Ра́дуйся, духоно́сных ста́рцев О́птинских и всех преподо́бных слико́вниче;

ра́дуйся, добропобéдным мучени́ком и испове́дником Христо́вым соприча́стниче.

Ра́дуйся, Бо́жиих священнота́инников благоговéйный сослужите́лю;

ра́дуйся, страда́льцев безви́нных мужественный предста́телю.

Ра́дуйся, па́стырю, ду́шу за ста́до твоё положи́ти гото́вый;

ра́дуйся, мно́гия му́ки и злохуле́ния за Христа́ претерпе́вый.

Ра́дуйся, твёрдое ве́ры испове́дание непрекло́нне яви́вый;
ра́дуйся, вся ве́рныя во благоче́стии изря́дне укрепíвый.
Ра́дуйся, скорбьми́ мно́гими в ра́дость Го́спода вше́дый;
Ра́дуйся, ра́дость о́ную всем приходя́щим к тебе́ обильно́ подай.

Ра́дуйся, преподо́бне о́тче Севастиа́не, ве́ры Правосла́вныя испове́днице.

Конда́к 8

Стра́нно чу́до бе, преподо́бне о́тче Севастиа́не, моли́тва тво́я, крото́сти и смире́ния испо́лнена: то́я бо све́том ви́ну озаря́емь, Христо́в ум стяжа́л еси́, неизглаго́ланная та́инства познава́я и бу́дущая прозира́я, всех же притека́ющих к тебе́ от бесо́вских нападе́ний свобожда́я и на путь и́стины наставля́я, вопию́щих к Бо́гу: Аллилу́иа.

И́кос 8

Весь жела́нием божество́нным объ́ят был еси́, свяще́нне, и в светоза́рныя дни Пасха́льнаго торже́ства богонóсною душо́ю твоёю в небéсныя оби́тели возше́л еси́, иде́же Престо́лу Пресвяты́я Трои́цы со все́ми святы́ми предсто́иши и слы́шиши от нас похва́льная сия́:

Ра́дуйся, от земна́го торже́ства Пасха́льнаго в ра́дость Па́схи ве́чныя восше́дый;

ра́дуйся, на земли́ всеконече́нне греху́ умеры́и и на Небеси́ нетле́нней жи́зни приобщíвыйся.

Ра́дуйся, я́ко Святы́х Святе́йшему Иису́су Сладча́йшему во сла́ве ве́чной предсто́иши;

ра́дуйся, я́ко о всех чту́щих па́мять твою́ пред Ним ходата́йствуеши.

Ра́дуйся, сугубо́ю благода́ть от Христа́ прие́мый и́щущим спасе́ния помога́ти;

ра́дуйся, да́ра сподо́бивыйся неду́ги душе́вныя и телéсныя врачевáти.

Ра́дуйся, ми́лости Бо́жия стру́я неизсяка́емая;

ра́дуйся, ра́дости духо́вныя, тишины́ же и ми́ра исто́чнице неисчерпа́емый.

Ра́дуйся, све́тлый обла́че, зной страсте́й грехо́вных утоля́яй;

ра́дуйся, росó благода́тная, сердца́ ве́рных ороша́ющая и веселя́щая.

Ра́дуйся, свети́льнице, све́том добродете́лей в но́щи ми́ра сегó нам при́сно сия́яй;

ра́дуйся, грóзде виногра́да Христо́ва, благода́тию Ду́ха Всесвята́го пита́й нас и веселя́й.

Ра́дуйся, преподо́бне о́тче Севастиа́не, ве́ры Правосла́вныя испове́дниче.

Конда́к 9

Вся́кое естество́ А́нгельское удиви́ся твоему́ пресла́вному в Го́рняя восхожде́нию, пресве́тлыя бо оби́тели небе́сныя прия́ша тя, Севастиа́не прозорли́ве, я́ко но́ваго насельника, иде́же с безплóтными Силами и всеми святы́ми водворя́ешься и лику́еши, ко Го́споду взыва́я: Аллилу́иа.

И́кос 9

Вети́и суемудре́ннии послу́шаша гла́са человекоуби́йцы су́ща искони́ и о́тца́ лжи вся́кия диа́вола, и зверём дивии́м подо́бся, устреми́шася на Невесту́ чи́стую Христо́ву, Це́рковь Правосла́вную, ея́же яви́ тя Подвигополо́жник тогда́ свети́льника и изря́дна испове́дника; те́мже воспева́ем ти любóвию:

Ра́дуйся, муче́ний за испове́дание и́стиннаго Бо́га не устраши́выйся;

ра́дуйся, ду́шу твою́ за ве́ру Правосла́вную положи́ти не отреки́йся.

Ра́дуйся, преще́ний безбо́жныя вла́сти не убо́явыйся;

ра́дуйся, к познанию́ Бо́га во изгна́нии твоём и мучи́телей приве́сти потща́выйся.

Ра́дуйся, изсо́хшую серде́ц их пусты́ню слезно́ю моли́твою твоёю напои́вый;

ра́дуйся, кро́тостию и терпе́нием семена́ Ева́нгельская в ду́ши их посе́явый.

Ра́дуйся, грóзныя ту́чи те́мных их помыслóв си́лою моли́тв твои́х разсе́явый;

ра́дуйся, к пока́нию и сокруше́нию серде́чному тех приводи́вый.

Ра́дуйся, врата́ Ца́рствия Небе́снаго тем отверза́вый;

ра́дуйся, водо́ю от кла́дзя тех напо́яя, во́ду нетле́нную им подава́ый.

Ра́дуйся, от него́же у́зницы пи́щу и оде́жду ще́дре приима́ху;

ра́дуйся, его́же и скóти в зи́мний мраз теплóм свои́м изря́дне согрева́ху.

Ра́дуйся, преподо́бне о́тче Севастиа́не, ве́ры Правосла́вныя испове́дниче.

Конда́к 10

Спасе́ния иски́й, послéдовал еси́ Влады́ще Христу́, испове́днице святы́й Севастиа́не, отвéргся себé и взем крéст свой, я́коже Господь рече́; те́мже смире́ния путе́м пости́гл еси́ высоту́ Небе́сную, Бо́гови любо́вию поя́: Аллилу́иа.

И́кос 10

Стéну несокруши́му обрето́ша ты христоиме́ннии лю́дие земли Русския, по кончи́не бо сла́вней твоёй повсю́ду чудеса́ соверша́еши изря́дна, я́ко от Бо́га прие́мь венéц нетле́нен и сла́ву ве́чну; те́мже вси ве́рнии благода́рне воспева́ют тебé си́це:

Ра́дуйся, Христа́, Бо́жию Си́лу и Прему́дрость, твёрдо пред челове́ки испове́давый;

ра́дуйся, я́ко и Господь испове́да ты пред Отце́м Свои́м Небе́сным и святы́ми А́нгелы.

Ра́дуйся, блиста́нием Трисо́лнечно́го Све́та ны́не осия́нный;

ра́дуйся, сокрови́ще моще́й твои́х в насле́дие ча́дом оста́вивый.

Ра́дуйся, я́ко мо́щи тво́я вся́кия ско́рби и боле́зни исцеля́ют;

ра́дуйся, я́ко ты́я в печа́ли су́щим и смущéнии весе́лие прети́хое быва́ют.

Ра́дуйся, я́ко ты́я Воскресе́ние всео́бщее немол́чно возвеща́ют;

ра́дуйся, я́ко от моще́й твои́х уязвленнии беси́ отбега́ют.

Ра́дуйся, ча́ше, дары́ Бо́жия преизоби́льно изли́вающая;

ра́дуйся, сосу́де, ми́ро цельбоно́сное боля́щим источа́й.

Ра́дуйся, свети́льнице, су́щих во тьме и сéни сме́ртней све́том Христовы́м озаря́ющий;

ра́дуйся, кади́ло, фимиа́м моли́тв богоприятных присно вознося́щее.

Ра́дуйся, преподо́бне о́тче Севастиа́не, ве́ры Правосла́вныя испове́днице.

Конда́к 11

Пе́ние благода́рственно Зижди́телю прино́сим, я́ко дарова́ ты всем и́щущим спасе́ния твёрда засту́пника; те́мже, преподо́бне Севастиа́не, ру́ку по́мощи нам ско́ро ниспосли́, и грехми́ присно погружа́емых из глубины́ губи́тельныя изведи́, и проче́е вре́мя жити́я в покая́нии сконча́ти сподо́би, да присно Бо́гови поём: Аллилу́иа.

И́кос 11

Светозáрное свети́ло, заря́ми немерца́ющего све́та Пресвяты́я Трѳицы сия́ющее, всей земли́ Казахста́нстей яви́лся еси́, предивне, луча́ми добродѣтелей твои́х тьму поги́бельную разгоня́я и тепло́тою богоприятных моли́тв твои́х сердца́ ве́рных согрева́я, и́же с любѳо́вию восписúют ти сицева́я:

Ра́дуйся, Казахста́нския страны́ благодáтное сокровище и украше́ние;

ра́дуйся, Руси́ Правосла́вныя ра́дование и утеше́ние.

Ра́дуйся, пу́стыни О́птинския благопло́дное прозябе́ние;

Ра́дуйся, гра́да Караганды́ покрѳве и удобре́ние.

Ра́дуйся, многотеку́щая реко́, сердца́ на́ша спаси́тельным уче́нием напо́яющая;

ра́дуйся, в мо́ри многоразли́чных напáстей погиба́ющим наде́жное пристáнище.

Ра́дуйся, злосмра́дие страсте́й от приходи́щих к тебе́ прогоня́яй;

ра́дуйся, от искуше́ний ми́ра, плѳти и диáвола ходáтайством твои́м свобожда́яй.

Ра́дуйся, нераска́янных грѣшников к соверше́нному пока́йнию воздви́заяй;

ра́дуйся, лука́вая полчи́ща бесѳвская пресла́вне побежда́яй.

Ра́дуйся, ран грехѳвных врачú благоиску́снейший;

ра́дуйся, сия́нием благодáти Бѳжия ду́ши на́ша озаря́ющий.

Ра́дуйся, преподо́бне ѳтче Севастиáне, ве́ры Правосла́вныя испове́днице.

Конда́к 12

Благода́ть, от Бѳга ти да́нную, све́дуще, ѳтче ми́лостивый, я́ко скоропослу́шлива ты приле́жно умоля́ем: вознеси́ дерзнове́нное молѣние твоѳе ко Престо́лу Трѳицы Живонача́льныя, да сподо́бимся безпреткнове́нно преи́ти от земли́ на Не́бо; моли́ же, свя́те, Всеблагáго Бѳга и о гра́де твоѳем, и о святе́м хра́ме, егѳже преподо́бническима рука́ма твои́ма созда́л еси́, и о хра́ме, в не́мже чудото́чныя мо́щи тво́я почивáют, да вси ве́рою, благоговѣ́нием и стра́хом Бѳжиим воспева́ют Бѳгу: Аллилу́иа.

И́кос 12

Пою́ще дивна́я дела́ Бѳжия и промы́шление Егѳ о Це́ркви Ру́сстей, зри́м О́птину пу́стынь, мно́гая ле́та в поругáнии и разорѣ́нии бѳвшу, па́ки ны́не украси́вшуся и мо́щи цельбоно́сныя ста́рцев свои́х обрѣ́тшу; град Карагандá оби́тели сей свесели́тся, стяжа́ бо сокровище

себе, мѡщи еди́наго от собѡра О́птинскаго; тѣмже, чудя́щися, с
любо́вию тебѣ, исповѣднице, вопи́ем:

Ра́дуйся, Бо́га Отца́ Безнача́льнаго служи́телю избра́нный;
ра́дуйся, А́гнца Бо́жия Христа́ му́жественный исповѣднице.
Ра́дуйся, Бо́га Ду́ха Всесвята́го хра́ме нерукотво́рный;
ра́дуйся, честно́е Пресвяты́я Трои́цы носило́ и похвалѣние.
Ра́дуйся, в невечѣрном дни Ца́рствия Бо́жия почива́яй;
ра́дуйся, трисвяту́ю песнь со А́нгелы и все́ми святы́ми воспева́яй.
Ра́дуйся, заря́ми о́гненными благода́ти Бо́жия сия́яй;
ра́дуйся, я́ко свети́ло светоза́рное Го́рняго Ца́рствия блиста́яй.
Ра́дуйся, све́том благода́ти всех чту́щих па́мь твою́ просвеща́яй;
ра́дуйся, ра́я Иису́сова дре́во чудото́чное, мног плод на по́льзу
правосла́вным творя́щее.

Ра́дуйся, Виногра́да Христо́ва розго́ благопло́дная, пита́ющая нас и
веселя́щая;

ра́дуйся, Свята́го Правосла́вия непоколебимый сто́лпе и крѣпкое
утвержде́ние.

Ра́дуйся, преподо́бне о́тче Севастиа́не, ве́ры Правосла́вныя
исповѣднице.

Конда́к 13

О́, преподо́бне о́тче Севастиа́не, ве́ры благочести́выя исповѣднице
и кро́тости предивны́я сокрови́ще! Приими́ ны́не си́е в похвалу́ твою́
от усѣрдия на́шего приносимо́е благодарѣние, и дерзнове́нным твои́м
ходата́йством испроси́ нам ве́ры непоро́чны соблюде́ние, ми́ра
умирѣние, от гла́да и па́губы избавле́ние, грехѡв оставле́ние и
блаже́нныя вѣчны́я жи́зни насле́дие, да с тобо́ю и со все́ми святы́ми
поѣм ра́достно: Аллилу́иа.

Моли́тва

О́, пречестна́я и священна́я главо́ и благода́ти Свята́го Ду́ха
исполненна́я, Спа́сово со Отце́м обита́лище, ста́рцев О́птинских
учени́че и преѣмниче, гра́да Карага́нды светле́йшее украше́ние,
Казахста́нския страны́ богодарова́нный моли́твенниче, Це́ркви
Ру́сския па́стырю́ богопросла́вленный, си́рым и вдови́цам засту́пниче,
немо́щным врачу́ безме́здный, пра́вило ве́ры и благоче́стия,
преподо́бных сожи́телю и му́чеников соприча́стниче, богоно́сне о́тче
наш Севастиа́не досточу́дне! К тебѣ усѣрдно прибега́юще, моле́ние
те́плое прино́сим: от сокрови́щницы твоея́ пода́ждь и на́шему
убѡжеству́; смире́нием твои́м на́шу горды́ню низложи́; безстра́стием

наша страсти попали; бодрствованием навык лени от нас отжени; слезными токи наше нечувствие пробуди; бдением от нерадения нас возстави; молитвами и в нас пламень молитвы возжзи; любовью нас братолюбны сотвори; подаждь же нам дух кротости и смирения, дух чистоты и благочестия; от страстей многонедужия нас свободи и ко истинному покаянию приведи. Ты бо во уме твоём непрестанно имел еси на Кресте Распешагося за нас Сына Божия, Того сладчайшее Имя во уме и в сердце непрестанно имети и нас научи, да любовью Тому пламенеюще, страшный оный день Судный сретити уготовимся, и в Царствие Небесное внити с тобою сподобимся, славити и воспевати Троиединую державу Бога нашего: Отца и Сына и Духа Святаго во веки. **Аминь.**